



Inatsisartut Sanaartornermut Ataatsimiititaliaat

**UKA2024/43-mut + 44-mut + 45-mut + 46-mut Sanaartornermut
Ataatsimiititaliamiit apeqqutininut akissut**

31-10-2024
Sullap nr.: 2024-11910
ID. nr.: 94745812

Asasara Ataatsimiititaliaq

Aallarniutigalugu ataatsimiititaliaq illuliortiternernut aningaasalersuiner
mut aaqqissuussinerit allanngortinneqarnissaannut siunnersuutininut sisamaasun
ut, Naalakkersuisut UKA2024-mi saqqummiussimasaannut, itisiliisussanik
apeqquteqarnerannut qutsavigaara.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Matuma kinguliini ataatsimiititaliap apeqqutai issuarneqarput, akissut kingornanniilluni.

**1. Inoqarfinni isorliunerusuni piginneqatigiilluni inissiatillit peqatigiiffiannik
pilersitsisoqarnissaanut aningaasat qanoq amerlatigisut
immikkoortinneqarnikuuppat?**

AKISSUT: 2017-imi *piginneqatigiilluni inissiat pillugit Inatsisartut inatsisaannut*
nutaamut atatillugu, innuttaasut inissialiortiternissamat taarsigassarsiniarlutik
sumiiffimmut ataatsiinnarmut; kommuninut, saaffiginnittarnissaat pillugu
tunngaviusoq aallaavigalugu, piginneqatigiilluni inissianik aningaasalersuisar
neq allanngortinneqarpoq. Tamanna siusinnerusukkut piginneqatigiilluni inissian
ut aamma illuliortiternernut aningaasalersuiner mut taarsigassarsinissamat
kommunimit aamma Namminersorlutik Oqartussanit tamarmik immikkut 50%-
inik taarsigassarsititsisarlutik, pisoqartarnerata akerlianik pisalerpoq.
Taamaattumik piginneqatigiilluni inissiat pillugit Inatsisartut inatsisaat
maannakkut atuuttoq naapertorlugu kommunalbestyrelsit piginneqatigiilluni
inissianik nutaanik sanaartornerup aningaasalersornissaanut pisortanit
taarsigassarsititsisarput. Aningaasalersuiner mut aaqqissuussiner mut nutaam
ut tassunga atatillugu kommuninut ataatsimoortumik tapiissutit qaffanneqar
put, aammalu aningaasat Namminersorlutik Oqartussat siusinnerusukkut
suliassaqarfimmut immikkoortittagai tassani takuneqarsinnaallutik.
Aningaasassat taakkua konto pingaernerup 20.05.20 Kommuninut
ataatsimoortumik tapiissutit ataani kommuninut ataatsimoortumik tapiissutini
ilaatinneqarput. Taamaalillutik aningaasat siusinnerusukkut
immikkoortinneqartartut taakkua kommunit missingersuutaanniipput kiisalu
Namminersorlutik Oqartussanit ataatsimoortumik tapiissutiniillutik.

Aningaasat siunertamat tamatumunnga immikkoortinneqartut kommunini
tamakkiisumik atorneqartarsimangitsut, Ineqarnermut suliassaqarfimmi

aningaasalersuinermt aaqquissuussinernik naliliinerup immikkoortuani 1-imi¹ 2023-meersumi, allassimavoq.

Kommunit isorliunerusuni piginneqatigiilluni inissianik pilersitsinissamut ukiuni aggersuni missingersuutiminni qanoq annertutigisunik immikkoortitsisimanersut pillugu Naalackersuisut paasisutissaateqanngillat aammalu piginneqatigiilluni inissiat nutaat pillugit qinnuteqaatit qassit isorliunerusuneersuussanersut ilisimanagu.

Inissianik attartortittakkanik piginneqatigiilluni inissiangortillugit allangortitsinernut tunngatillugu, siusinnerusukkut siunertamut konto pingaarnermi immikkoortumi imaluunniit aningaasaliissutini immikkoortitsisoqartarsimanngilaq. Piginneqatigiilluni inissianiit inissianut nammineq pigisanut taarsigassarsiat allangortinneqarnerani ilanngaaseereernerme iluanaarutit *konto pingaarnermi 72.06.08 Illuliortiternernut aningaasalersuineq*, isertitatut nalunaarsornissaannut inatsimmi tunngavissaqarpoq. Tassunga ilanngullugu Namminersorlutik Oqartussat inissiaataasa attartortittakkat inissianut nammineq pigisanut imaluunniit piginneqatigiilluni inissianut allangortinneqarnerannut atatillugu isertitat nalunaarsornissaannut aamma aningaasartuutit aningaasartuutit nalunaarsornissaannut inatsimmi tunngavissaqarpoq, ilanngullugu *konto pingaarnermi 72.10.16 Inissiat attartortittakkat ingerlanneqarnerat, aningaasaliissutinit iluanaarutit*, attartortut sinnerinik ingerlatsineq.

Namminersorlutik Oqartussat inissiaataasa attartortittakkat piginneqatigiilluni inissiangortillugit allangortinneqarnissaannut 2024-mi Aningaasanut inatsimmi imaluunniit 2025-mut Aningaasanut inatsisissamut siunnersuummi aningaasassanik annertunerusunik immikkoortitsisoqanngilaq. Siunertamut aningaasassanik annertunerusunik immikkoortitsisoqassappat, tunngavissaatinneqarput

- UKA2024/45 *Piginneqatigiilluni inissiat pillugit Inatsisartut inatsisaata allangortinneqarnissaa pillugu Inatsisartut inatsisaata* Inatsisartunit akuerineqarnissaa, kiisalu
- Namminersorlutik Oqartussat inissiaatai attartortittakkat sorliit piginneqatigiilluni inissiangorlugit allangortinneqarnissaannut aalajangersimasumik pilersaaruteqarnissaaq.

Namminersorlutik Oqartussat inissiaataasa ikilisinneqarnissaat ineqarnermut iluarsaaqqinnissamut ilaatinneqarpoq. Inissiaatit ikilisinneqarnissaannut tunngaviusunut isummernissamut tunngavissiaq 2024-p naalernerani Naalackersuisunut saqqummiunneqassasoq, politikkikkut isumaqatigiissummi allassimavoq, tamatuma kingorna politikkikkut isumaqatigiissutit isumaqatigininniutiqineqarnissaa aallartinneqartussaalluni. Tassunga atatillugu Namminersorlutik Oqartussat inissiaatai attartortittakkat sorliit inissianut nammineq pigisanut imaluunniit piginneqatigiilluni inissianut allangortinneqassanersut, pilersaarut aalajangersimasooq suliarineqartussaavoq. Tamanna isorliunerusunut taamatullu aamma

1

inoqarfinnut anginerusunut atuuppoq. Naatsorsuutigineqanngilaq inissianik allangortitsinissaq pillugu tunisinissaq ataatsikkut pissasoq, kisianni attartortunit innuttaasuniillu ujartuinnermut naleqqussarneqassalluni.

Tassunga ilanngullugu oqaatigisinnaavara isorliunerusuni inissianik, piginneqatigiilluni inissiaatillit peqatigiiffiannut allangortinneqarnissamut tunngavissarititaasunik naammassinnittunik ikittuinnarnik Namminersorlutik Oqartussat pigisaqarmata, ilanngullugu pingaartumik *piginneqatigiilluni inissiat pillugit Inatsisartut inatsisaanni § 1, imm. 2, taassuma* atuunnerani piginneqatigiilluni inissiaatillit peqatigiiffianni minnerpaamik inissiat najugaqarfiit pingasuusussaallutik.

a. Naalackersuisut inissiat tunineqarsinnaaneraniq isumaqarnera sumik tunngaveqarpa?

AKISSUT: Nunatsinni agguaqatigiissillugu isertitat qivaraanni, nunatsinni innuttaasut amerlasuut imminnut inissiamik pilersornissamut periarfissaqartut, inerniliisoqarsinnaavoq.

Naalackersuisut naatsorsuutigaat Namminersorlutik Oqartussat inissiaataasa attartortittakkat aalajangersimasut piginneqatigiilluni inissiannorlugit allangortitsineq, kiisalu tamatumunnga atatillugu pisortanit taarsigassarsititsineq, innuttaasut nammineq inigisaminni aningaasaliisartut amerlanerulernissaannut iluaqutaassasoq.

Ataasiakkaatigut tunniussinernut assersuutit kingusinnerusukkat nassiunneqassapput.

b. Maannakkut inissiat akiinut naleqqiullugu, inissiat attartortakkat piginneqatigiilluni inissiannortinnissaannut INI A/S-ip naatsorsuinnermini piginneqatigiinnermut ilanngaati 30%-niit qaffasinnerunissaanik naatsorsuuteqarnera Naalackersuisut eqqortuusorineqarpa?

AKISSUT: Naatsorsuinnerni INI A/S-ip tusarniaanermut akissuteqaammimi aallaavigisaanni aserfallatsaaliuisimanginnerup siumut naatsorsorneqarneranik nassataqarput. Tassa imaappoq, aserfallatsaaliuisimanginnerup ukiut tamaasa aalajangersimasumik annertussusilimmik annertusisarpog. Taamaalilluni aserfallatsaaliuisimanginnermut pissusiviusuni kisitsisit, ullumikkut takuneqarsinnaasut, tassani pineqanngillat, kisianni iliuuseqanngikkaanni aserfallatsaaliuinnermi kinguaattoorutit qanoq annertusiartornissaannut siumut naatsorsuilluni missingersuinnerulluni. Ukiunut 20-nut tulluuttunut pilersaarusiortoqaqqammerpoq, aserfallatsaaliuinnermi kinguaattoorutinik iluarsisussamik.

Piginneqatigiinnermi aningaasartuutit maannamut attartornermiit 30%-inik qaffasinnerusutut naatsorsorlugi INI A/S-ip naatsorsugaanni taamaalilluni aserfallatsaaliuinnermut pisariaqartitsineq siumut naatsorsorneqarpoq aammalu maannakkut pisariaqartitsinerunani. INI-p tusarniaanermut akissutaanni missiliuineq aallaavigineqarpoq aammalu ataasiakkaatigut naatsorsuinnerunani.

Qaammatikkaartumik piginneqatigiinnermi akitsuutip aalajangersimasup naatsorsorneqarnerani, aalajangiinerit suut piginneqatigiilluni inissiatillit peqatigiiffianni aalajangiiffigineqarnerisut apeqqutaavoq, ilanngullugit allaffissorneq, aserfallatsaaliuineq, iluarsaassisarneq sullissinerullu annertussusissaa (assersuutigalugu eqqiaaneq aputaajaanerlu).

c. Inissiat attartorneqarnerisa akiinut naleqqiullugu, aningaasartuutit tamaasa katinnissaannut naleqqiullugu, piginneqatigiinnermut ilanngaatip procentinngorlugu qanoq qaffasinnerutigiginissaa Naalakkersuisut qanoq nalilerpaa?

- **(INI A/S-ip naatsorsuina eqqarsaatigalugu, pisinnermut pigisanik aalaakkaasunik qularnaveeqqusilluni taarsigassarsisitsisarfirmut akilersuutit aningaasalersorneqarnissaanut naatsorsuutit nutarterinissamullu kinguaattoorutit pisinnermut aserfallatsaaliuinissami kinguaattoorutit aqqissornissaannut taarsersugassarsinnermut aningaasalersuinissamut tunngassutillit)**

AKISSUT: Piginneqatigiinnermi akitsuummumut ilaatinneqartut arlallit apeqqutaapput. Ilaatinneqartut ilagaat piginneqatigiilluni inissiatillit peqatigiiffiata taarsigassarsiarititanut, piginneqatigiilluni inissiatillit peqatigiiffiata piginneqatigiilluni inissiatillit peqatigiiffiannik pilersitsineranut, atatillugu taarsigassarsiarisimasaannut akilersuutissat. Taarsigassarsiat annertussusaannut pisinnermi akigititaq apeqqutaasarpoq. Pisinnermut akigititamut niuerfimmi naliliineq aallaavigineqartarpoq, tamatumunnga inissiap aserfallatsaaliorneqarsimanera, inoqarfik aamma inoqarfimmi inissisimaffik apeqqutaasarlutik.

Tassani erseqqissarneqassaaq, niuerfimmi akigititami inissiat aammalu illuut tamakkiisoq isiginiarneqartarmata. Ataasiakkaatigut tamanna isumaqarpoq, inissiat aammalu illuutit pitsaanngitsumik pitsaassuseqarpata, tamatuma malitsigisaanik niuerfimmi akigititaq appasinnerussasoq, inissiat illuutillu pitsaasumik pitsaassusillit qaffasinnerusumik niuerfimmi akeqartinneqartussatut nalilerneqartarlutik.

Tamatuma kingunerisaanik piginneqatigiinnermut akitsuut allanngorartussaavoq, aningaasalersuineq qanoq ittoq neqeroorutigineqarsinnaanersoq apeqqutaalluni, takuuk *piginneqatigiilluni inissiat pillugit Inatsisartut inatsisaat.*

Taamaalilluni naggataatigut piginneqatigiinnermut akitsuummumut tunngavigineqartartut amerlasoorpassuupput. Aammattaaq apeqqummut 1 b-imut tamanna pillugu akissut innersuussutigineqarpoq.

Naalakkersuisut tamatuma saniatigut erseqqissassavaat, attartortut piginneqataalernissamik kissaateqanngitsut, maannamut atugassarititaasut assingi tunngavigalugit attartortuuginnartussaammata.

2. **Inatsisissatut siunnersuutip malitsigisaanik inatsisitigut allannguisoqassappat ineqarnermut tapiissutitut malittarisassanik nalimmassaanissaq pisariaqassava? Tamanna pissappat innuttaasunut isertitakitsunut ineqarnermut tapiissutissatut aningaasat qanoq amerlatigisut immikkoortinneqarsimappat?**

AKISSUT: Isumaginninnermut, Ilaqutariinnut, Suliffeqarnermut Nunamullu Namminermut Naalackersuisoqarfimmit ilanngussassanik piniartoqarpoq, taannalu paasissutissiivoq:

'Innuttaasoq imaluunniit inoqutigiit nammineq inigisaminnik piginnittuulerneranni, ineqarnermut tapiissutinik pisinnaatitaaneq atorunnaartarpoq. Tassami tamatumani ineqarnermut tapiissutit piginnittunut tunniunneqartanngimmata, taamaallaat attartortunut tunniunneqartarlutik. Innuttaasut arlallit isertitakitsut, attartortumiit-piginnittumut aaqqissuussinikkoortumik nammineq inigisartik imaluunniit piginneqatigiilluni inissiaq pisiarerusuppassuk aammalu pisiarisinnaappassuk, ineqarnermut tapiissutitut aningaasaliissutit annikillisillugit iluarsineqarnissaat pisariaqartinneqalersinnaavoq.'

a. **Apeqquummut 1C-mut nalilerneqarpat, piginneqatigiinnermut ilanngaatip massakkumut inissiap akianit qaffasinnerussasoq, inissiamik attartortutut najugaqaannartussanut, najugaqartut inigisaminnut akiliutigisartagaasa, qanoq annertutigisumik qaffanneqarnissaat siunnersuutigineqartumit siunertarineqarpa?**

AKISSUT: Naalackersuisut aamma kommunalbestyrelsi piginneqatigiilluni inissiaatillit peqatigiiffianni, pisinnaatitaaffiit pisussaaffiillu tamatumani malittaasut atuutsillugit, piginneqataasutut inissittarput. Naalackersuisut aamma kommunalbestyrelsit piginneqataasutut piginneqatigiilluni inissiaatillit peqatigiiffianut piginneqataanermut akitsuummik akiliinissamut akisussaaffeqarput. Attartortooreersunut attartortitsinermit imaluunniit piginneqataaffiit inoqanngitsut attartortinneqarneranni, aalajangersimasumik attartornermut isertitaqartoqartarpoq. Siunnersuummi § 45 j, imm. 3-mi allassimavoq, ineqarnermut akiliut, inissianik attartortitsisarneq pillugu inatsimmi sukulluunniit atuuttumi, Namminersorlutik Oqartussat kommunillu inissiaataanni attartortittakkani ineqarnermut akiliummik naatsorsuisarnermut maleruagassat nalinginnaasut malillugit aalajangersarneqassasoq.

Attartortitsinermit isertitat, piginneqataanermut akitsuummumut aammalu piginneqatigiilluni inissiat attartortunit atorneqareerneranni iluarsaassinermit aningaasartuutitut, illuatungilliisinaanersut, sioqqutsisumik aalajangiunneqarsinnaanngilaq. Ineqarnermut akiliummit isertitat aamma piginneqatigiilluni inissiamut akitsuutip akornanni nikingassuteqalissagaluarpata, Naalackersuisut aamma kommunalbestyrelsi, piginneqataasutut aningaasartuummut tassunga akiliisariaqartussaapput. Aammattaaq apeqquutitut nr. 1 b-imut aamma c-imut akissutit innersuussutigineqarput.

Naalackersuisut 2024-mut Aningaasanut inatsimmi *konto pingaernerup 72.10.16 Inissiat attartortittakkat ingerlanneqarnerat, aningaasaliissutinit iluanaarutit, ataani aningaasartuutit taakkua akilernissaannut inatsimmi*

tunngavissaqarput. Kommunalbestyrelsi tamatumunnga kommunip missingersuutaanni nalinginnaasumik aningaasaliissutinut isertitanullu aningaasaliissutinik pilersitsisariaqarput.

- b. **Inissiamut akiliut qaffanneqassanngippat inissamut akiliutit piginneqatigiillunilu inissianut aningaasartuutit nikingassuteqassappata, amigartoorutinut taakkununnga matussutissatut aningaasat qanoq amerlatigisut ukiunullu qassinut immikkoortitsisoqarnikuua?**

AKISSUT: Takuuk apeqqummut 2 a-mut akissut.

- c. **Pisortat inissiaataannik attartortuugaanni ineqarnermullu tapiiffigineqarsinnaatitaalluni, taava inissiamik piginnittunngorluni ikaarsaariaraanni; ineqarnermut tapiissutit qanoq pineqassappat?**

AKISSUT: Isumaginninnermut, Ilaqutariinnut, Suliffeqarnermut Nunamullu Namminermut Naalackersuisoqarfimmit ilanngussassanik piniartoqarpoq, taannalu paasisstissii voq: '*Inissiani attartortittakkani ineqarnermut tapiissutit pillugit Inatsisartut inatsisaat*, malillugu ineqarnermut akiliut inoqutigiinnut inissiami attartortittakkami, attartortitsisarnermut inatsimmi sukkulluunniit atuuttumi pineqartunut ilaasumi, najugaqartunut tapiissutigineqartarput. Taamaalilluni attartortoq nammineq inigisaminik piginnittunngorpat, ineqarnermut tapiissutit atorunnaartussaapput.'

3. **Inissiat attartortumiit piginnittunngornermut aaqqissuussinermi aamma inissiat piginneqatigiinnermut allannortinnginnerini qanoq annertutigisumik aserfallatsaaliorneqassappat, aningaasartuutissat katillugit qanoq annertutiginissaannik tamatumani Naalackersuisoq nalunaarusiornissaanik qinnuigineqassaaq?**

AKISSUT: Inissiaatit ikilisinnissaannut tunngaviusunut isummernissamut tunngavissiamut, 2024-p naalernerani Naalackersuisunut saqqummiunneqartussamut, tamatumalu kingorna politikikkut isumaqatigiissutit isumaqatiginninniutigineqarnissaata aallartinnissaanut, tunngatillugu apeqqummut nr. 1-imut akissut innersuussutigineqarpoq.

- **§§ 57 stk. 3 aamma stk.5 tunngavigalugu piginnittunngorpat Naalackersuisut suut aserfallatsaaliinissamut pisussaaffigilerneqartussaappat?**


AKISSUT: Naalackersuisut piginneqatigiilluni inissiaatillit peqatigiiffianni piginneqataasunut allanut sanilliunneqartussaapput, taamaattumik aalajangersakkat piginneqataasut allat taamaaqataanik Naalackersuisunut atuuttussaallutik. Aningaasartuuteqartoqassappat Naalackersuisut akiligassinneqarlutik, taakkua *konto pingaernerup 72.10.16 Inissiat attartortittakkat ingerlanneqarnerat, aningaasaliissutinut iluanaarutit* ataani akilerneqarsinnaassapput.

- **Piginnittoq aaqqissuussinermut attartortuunermit piginnittuunermit sunik aserfallatsaaliinissamut pisussaaffealissappat?**

AKISSUT: Illup iluani aserfallatsaaliuineq piginnittut peqatigiiffianni piginnittut ataasiakkaat pisussaaffigaat, takuuk *inissiat nammineq pigisat pillugit Inatsisartut peqqussutaat § 15. §-imi tassani allassimavoq*

Oqaatigineqartutut tunniussinernut assersuutit ataasiakkaat aammattaaq suliarineqassapput, kingusinnerusukkut ataatsimiititaliamut nassiunneqassallutik. Ataatsimiititaliap allannguutissatut siunnersuutininik tamaginnik suliarinnilluarnini ingerlateqqissagaa kissaappata, aammalu allanik apeqqutissaqassagaluarpat sulii piareersimallunga.

Inussiarnersumik inuulluaqqusillunga

A handwritten signature in black ink, consisting of a large, stylized initial 'H' followed by a horizontal line and a wavy tail.

Hans Peter Poulsen

piginnittut peqatigiiffiat nutarterinernut silataannilu aserfallatsaaliuinernut akisussaasuusut.

4. **Inatsisissatut siunnersuutigineqartumit, Naalackersuisut imaluunniit kommunalbestyrelsi piginneqatigiilluni inissiaatilinni piginneqatigiittut inississinnaapput aamma inissianut inissiat attartortittakkani piginnittuusinnaapput, inissiat attartortittakkat allanngortinneqarpata. Imaammat attartortuusut inissianik attartortuuginnarnissaq qinersinnaagaat, imatummi pisoqaratarsinnaammat, pisortanit taarsigassarsiat piffissaq sioqqullugu taarsigassarsianik akiliisoqareerpat Naalackersuisut/Kommunillu suli piginnittuusut. Siunnersuuteqartumit taamatut pisumut qanoq iliornissaq eqqarsaatigineqarpa, pisortat taamaalillutik taarsigassarsiamut ataatsimut akiitsulittut akiligassaqarfittullu inissippata qanoq annertutigisumik taama pisoqarnissaanut qanoq annertutigisunik aningaasanik immikkoortitsisoqareerpa?**

AKISSUT: Illuutip piginneqatigiilluni inissianngortillugu allanngortinneqarnerani piginneqataasut ataasiakkaat taarsigassarsisutut inissisimasanngillat, kisianni piginneqatigiilluni inissiaatillit peqatigiiffiat taarsigassarsisuusarluni. Kommunalbestyrelsi imaluunniit Naalackersuisut inissianut attartortup piginneqataalernissamik kissaatigarfiginngisaannut, taamaallaat piginneqataalertussaapput. Tassani piginneqatigiilluni inissiaatillit peqatigiiffianik pilersitsinermut atatillugu piginneqataasut aallarniutissaat akilerneqartussaavoq.

Illuummi piginneqatigiilluni peqatigiiffinngorlugu allanngortinneqartumi (attartortumiit piginnittumut aaqjissuussineq), attartortup attartortutut najugaqaannarnissani kissaatigippagu, Naalackersuisut imaluunniit Kommunalbestyrelsi imminut taarsigassarsitittussaannngillat. Inissiaq piginnittut peqatigiiffiani ilaasussaavoq, Naalackersuisut imaluunniit Kommunalbestyrelsi piginnittuullutik.

5. **Siunnersuutip nutaap imikkoortumi § 45f, imm. 2-ani inatsimmilu pioreersumi § 60, imm. 2-mi assigiinngissuteqarnerat Naalackersuisunit eqqumaffigineqarpa?**

AKISSUT: Tamanna eqqorpoq, kisianni § 45 f, inissiat attartortittakkat pioreersut piginneqatigiilluni inissianngorlugit allanngortinneqartarnerannut tunngassuteqarmat, § 60 imm. 2, piginneqatigiilluni inissianik nutaanik sanaartornissamut tunngassuteqarluni, eqqumaffiginissaa pingaaruteqarpoq.